



KAT. KOMP

17122

I

Mag. St. Dr.

P

Certeus.

Oratio ad iusta exequia  
arum dum Adalberto Serebryski P.E.  
piis meritis nobilis et studiorum  
juventus Acad. Crae. in Oratorio  
publicis parentaret - habita 1650.

PANEG. et VITAE

Polon. 4<sup>o</sup>

N. 821.



Biblioteka Jagiellońska



stdr0000279



# ORATIO

A D

Iusta Exsequiarum,

D V M

Perillustr. & Adm. Rndi. olim Dni.



ADALBERTI  
SEREBRYSKI

CANONICI CRACOVIENSIS, & C.

S. M. R. Secretarij,

Pijs Manibus,

Nobilis & studiosa Iuventus Academiae

Cracouiensis, in Oratorio pietatis

parentaret.

A

PETRO BARSZCZ Art: & Philo-  
sophiae Baccalaureo

H A B I T A.

Anno reparatae Salutis humanae 1650.

Idib. Ianuarij.

---

CRACOVIAE,

Apud LVCAM KVPISZ S. R. M. Typograph.





Quod interim morimur, ad immortalitatem  
morte transgredimur: nec potest vita æterna  
succedere, nisi hinc contigerit exire: non  
est exitus sed transitus, & temporali itinere de  
curso, ad æterna transgressus.

*S. Cypr. serm. 4. de mortalitate.*

Non enim mors est feliciū acerbissima, ve-  
rū beatissima: quæ res virorum lætas securo  
loco deposuit, & fortunæ declinavit conuer-  
sionem.

*Æsopus apud Plut. in vita Pelopida.*



17122I







Tinam A. H. optatam illam diem  
videremus, quâ Perillustri & Admo-  
dum Reuerendo Domino ALBER-  
TO SEREBRYSKI, Canonico Cra-  
couiensi, Amplissimo Mæcenati loci  
huius, hoc ipso in loco debitas grates,  
læti viuo funderemus; quam mortuum mæsti, pijs  
lachrymis prosequeremur. Ita quippè ille, cum vni-  
uersis locis, Diuino cultui consecratis addictus, tum  
huic pietatis Oratorio (in quo Nobilis Iuuentus Po-  
lona DE VM exorandi, & salutis suæ consulendi opti-  
mum addiscit modum) deuotus vixit; vt non mor-  
talem eum, verum perennem viuere cuperemus. Eheu  
mortis acerbitem! siccine te, nec illius suauitas  
morum flexit, nec prudentia auertit, nec pietas do-  
muit, nec constantia & assiduitas in bonis actioni-  
bus terruit? Sed quàm frustra hanc appello! caret  
nimirum sensu, querelas, preces, vota non curat;  
suspiria, gemitus, lamenta, blanditias non discernit.  
Quamobrem vt cæcam, quid ni talem dicam? quæ  
infantes æquè vt adultos, iuuenes cum decrepitis, ca-  
lamitosos cum felicibus, pauperes cum diuitibus,  
imbelles cum fortibus demetit:

*Nec magis humano vultu, sermone mouetur*

*Quàm si dura silex aut stet Marpesia cautes:*



O verè cæca & sine sensu ! illam itaq; non ego hinc querar : enimuerò quòd potius profuerit Mæcenati nostro, cui luce hodiernâ mæsti parentamus, quàm nocuerit, dum eum ex hac vita sustulerit, innuam. Vos modo oro & obtestor : A. H. vt dum mea pietas, dicendi periculum subitâ dictione facit, vestra humanitas & beneuolentia illi optato fauore suffragari velit.

Et mitto quantæ commoditatis fuerit, morte Mæcenatem nostrum è solitudine, in lætitiâ euocatum ; è perpetuo metu, in vicissitudinis expertem securitatem vindicatum ; è miserijs in beatitatem translatum esse : nihil dico morte eum sensus doloris finiuisse : querelas, omneq; necessitatis genus, quo superstites assiduò premimur, proscripsisse : verum quoniam illum mors Domino reddidit, quem ille, teneris ab annis, mente, corde, actionibusq; coluit ; illi Domino, quem priuatim & publicè, verbis, vitâ, moribus, veneratus est ; certè fateamur, non formidabilem, sed optatam, nec grauem, at naturæ debitam, neq; amaram, sed iucundam ei mortem extitisse. Nimirum summum bonum nostrum est, cui hâc miserâ defuncti vitâ restituihur : vnicus ille est, à quo vitam, illam vitam, quam caducis expertem, & plenam perennitate profitemur esse, possidemus. At enim hoc tanto quamprimùm frui bono, & ipsius affluere delitijs, quàm optabile ? vos cœli sedes beatarum



rum mentium ! vos beatissimæ Animæ appello ! Mi-  
 cam tantæ felicitatis Princeps Ecclesiæ vt conspexit,  
 suspexit : & immemor conditionis, immemor mor-  
 talitatis exuiarum, illic viuere exoptauit. Eleuatus  
 cœlestis doctrinæ acerrimus propagator, & propu-  
 gnator in æthera, quid mortalibus retulit ? animis  
 concipere beatorum fortunam cupimus ? frustra id  
 nitimur : dignitatem eorum explicari verbis deside-  
 ramus ? ô iustum votum ! at nemini hominum, ne-  
 mini Diuorum concessum. Te, Te inquam dignissi-  
 me Mæcenas, (quem modo iustis prosequimur su-  
 spirijs) appello ! an non vides ? an non sentis ? illam  
 bonorum expetitam copiam, quàm hîc corde colli-  
 gebas : illam amanitatem, quam tacito cœlestis gra-  
 tiæ afflatus fauore præsentiebas. Atq; Epicureos hîc  
 non moror : cercos in vitia, neq; culpâ libero, nec  
 à pœna absoluo. Ita scilicet fit, improbis non est dif-  
 ficilis ad infernos via, nec tortuosa, nec vllis erroribus  
 plena, sed est rectissima, decliuis tota, & vel à cæcis  
 conficitur. Hanc quisquis ingreditur, quid illo cala-  
 mitosius ? quid infelicius ? quid vel ipsâ memoriâ  
 horribilius ? Vbi auditus terror, odoratus fætor, a-  
 maritudo gustus, visus spectra : vbi sensus dolor, lo-  
 cus carcer, amici vermes : vbi contubernales hostes,  
 vox execratio, sonus dentium stridor. O deploran-  
 dum impiorum statum ! ô miseram, ah miseram  
 æternitatis, inter supplicia, inter flagella, inter exqui-



fitissima cruciatuum genera conditionem ! Verum-  
 enimuerò qui se integros & castos seruauerit, quibus  
 minima cum corporibus contagio fuerit, qui in hac  
 vita periculosa plena aleæ, illam, horum malorum  
 nesciam, pro virili parte expresserint, vitam, quid de  
 illis putemus ? *Ad hunc à quo huc profectos se meminerunt*  
*viuentes, mortuis facilis reditus:* Tullius affirmat, *Virtute præ-*  
*ditum migrare in celum perpetuo durans:* Coint; Smyrnæus  
 prædicat. *Iustus si morte præoccupatus fuerit in refrigerio erit:*  
*qui mortui sunt cum Christo simul etiam uiuent cum illo: qui credit*  
*in me etiã si mortuus fuerit uiuet:* illud Sapiens, hoc Doctor  
 gentiũ, istud orbis Conditor & reparator Christus as-  
 seuerat. Fortunatum sanè Mæcenatem nostrum, qui  
 tam salutaribus consilijs & libenter, & frequenter, &  
 constanter paruerit ! Adhuc né redditum illius labo-  
 ribus præmium ? illius contentioni, pro gloria cœle-  
 stium, pro integritate proximi, pro sua salute, bra-  
 uium restitutum ambigemus ? Scilicet hic vir fuit,  
 in cuius ingenio nulla calliditatis suspicio deprehen-  
 debatur: cuius prudens consilium, nulli damnum,  
 multis vtilitatem, nulli confusionem, omnibus ani-  
 mi integritatem conciliauit. Meminerat dictorum  
 Poëtæ

*Prima mihi debes animi bona sanctus haberi*

*Iustitiæq; tenax verbis factisq; merere.*

Ad se illud pertinere putabat :

*Vive memor lethi, fugit hora, hoc quod loquor inde est.*

Percelle:



Percellebat sensus, animumq; suum integritatis studium, Diui Cypriani effatum: *Non dignus est in morte accipere solatium, qui se non cogitauit moriturum.* Cedat quapropter hinc Zaleucus cum sua disciplina: *Singulis oportet in singulis actionibus, illud tempus quod unicuiq; finis vite futurum est, adeo suis cogitationibus familiare facere: ac si praesens esset, ita enim maxime iusti honestiq; cura vigeat.* Cedat inquam hinc (neq; verò tam salutarem illius improbo doctrinam, aut altissimo grauissimi viri contrauenio iudicio) etenim illustriora multò in factis vitâ functi, istius rei documenta, quam vllius ingenio (esto sapientissimus existat) exprimi possint, animaduerto. Atq; nihil dico intimè suo animo infixum fuisse illud: *Meditari mortem est meditari libertatem*: non commemoro frequentissimam & cogitationem & vocem eum habuisse:

*Vixi & quem dederat cursum fortuna peregi,*

Crastinum si adiecerit D E V S, lætus recipiam: petus mortale nunquam magis Diuinum esse, quam dum mortalitatem suam cogitat, optimè nouerat: in hoc se natum hominem, vt vitâ defungeretur, non ignorabat: corpus hoc non esse corpus, sed hospitium & quidem breue hospitium, quod relinquendum est, vbi te grauem esse hospiti videas perquam intelligebat: Sed ego hæc & alia plurima pietatis ipsius exercitia atq; documenta consulto prætereo. Quid autem illa videntur? iugis meditatio cœlestium:



stium: in Vindicem humanæ salutis feruor: quid in  
 suam Matrem, immaculatam; quia citra næuum o-  
 riginalis maculæ; Beatam, quia Deo dilectam; San-  
 ctam, quia criminis omnis ignaram; incredibile stu-  
 dium? quid in Diuos Tutelares, totamq; cælestium  
 Ordinum curiam, debitus diligentissimusq; cultus?  
 quid inquam hæc indicant? quam hoc vnicum Mæ-  
 cenatem nostrum vitâ functum meditatatum fuisse, vt  
 Beatorum rebus gestis contemplandis absorptus,  
 præsentis vitæ periculis consuleret: hoc eum egisse,  
 & perfecisse, vt, (cùm non ignoraret, haud cuiquam  
 certam diem, quid? quinimo horam, momentumq;  
 dari, quo ipsum omnibus fortunæ bonis spoliari, atq;  
 hac ipsa lucis vsurâ elementariq; aurâ priuari opor-  
 teat) nihil admitteret, vnde non singulare specimen  
 vltimæ vitæ horæ, sæpius in animo eius fuisse collige-  
 remus. Nugæ profectò Ægyptiorum *ὁ σκελετός*: non  
 multum à fabulis distant veterum Oscilla: quibus  
 fati recordationem in pectoribus suis excitabant:  
 Perpetuo Mæcenati nostro Magni Basilij parænesis  
 illa obuersabatur. *Circumspice eos qui ante te in similibus  
 splendoribus magnæ existimationis fuerunt. Vbi sunt qui ciuiles  
 potentias assumpserunt? Vbi inexpugnabiles Rhetores? Vbi qui  
 publicos conuentus constituerunt? Illustres Equites? exercituum  
 Duces? Satrapæ? Tyranni? Nonne omnia sunt puluis? nonne  
 omnia fabula?* Sed hæc vel ignaris humanæ vicissitu-  
 dinis perspicua. At enim intendamus oculorum a-  
 ciem



ciem in Imaginem, Crucifixi Saluatoris Christi, in Basilica Cracouiensi, (vt sua alia præclara facinora, quibus facilius est principium, quàm exitum inuenire recteam) ipsius non maiori liberalitate, quàm flagrantiore pietate exornatam: consideremus Iconem dolorosæ Virginis, ob necem dilecti sui Filij, eius Filij, qui mundi est productor, vindex, moderator, & conseruator; eius Filij, qui inauditâ misericordiâ perditum Adami genus, ex grauissimo seruitutis iugo, in desideratissimam libertatis auram euocauit; eius inquam Filij dolorosæ Matris & Virginis, Iconem ad Aedes Diui Francisci, & sumptuose, & affabrè comparatam consideremus: Ascendamus iterum in domicilium Regum, & Præfulum Cathedram, quid illa magnificentia Tabernaculi Saluatoris? quid moles, quæ vel munificentiam Regum æmulatur? quid in Diuum Martyrem STANISLAVM pignora? Veniamus in hunc ipsum locum, quid suum flagrantissimum studium, DEI Castissimæq; VIRGINIS honorem, innocentum ore promoueri commemor? Sic enim existimare debetis Innocentum animæ, nisi Perillustri Mæcenæ ALBERTVS SEREBRYSKI Canonicus Cracouiensis vixisset; eam commoditatem; in salutari exercitio, eum prouentum in conficiendis, & expediendis huius loci negotijs, eum splendore, quem diebus festiuis soletis cernere, non haberetis. Ille enim coelestem illam animam



(Stanislaum Garwaski, virum de literis ac literatis, de Ecclesia. & de vestra in pietate disciplina meritissimum intelligo) consilijs suis, vt vos, suarum virtutum, & mirabilis illius feruoris, in DEVM, in immeratam VIRGINEM, ac Beatos Cœlites, non successores modò, sed imitatores, sed hæredes inscriberet, perduxit. Ille per istromatis & Iconibus pulcherrimè depictis, ille argentea supellectili hunc locum ornatissimum haberi voluit. At alterius inquitis hæc? atqui ipsius curâ, & solitudine, ipsius erga hunc locum singulari propensione, ista possidetis. Parùm hæc? intueamini hanc Immaculatæ VIRGINIS Imaginem, illius liberalitate vobis comparatam ac dedicatam: percenseatis etiam nunc pulcherrima vestro Oratorio adscripta ornamenta, quid hæc aliud censere debetis esse, quàm incredibilis illius erga vos amoris quosdam Arrabones? qui dum studium, vos innocentes omni pietate erudiendos, promouit; etiam ne quid ad commodius id præstandum desideraretur, sedulo curauit. O quàm præclarum & DEO gratum hoc eius in Innocentes pietatis argumentum! an non exitus comprobauit? dum etiam sacrâ die Diuis INNOCENTIBVS, de calamitate in felicitatem elatus: ipsorum festiuitatis octauâ die incidente, è diuersorio in domum translatus sit: & nunc ab Innocentibus hoc in Oratorio iustis condecorari meruit? Triphonius & Agamedes,



medes, vbi primum Delphis Apollini templum, præclaro artificio, exædificassent, venerantes Deum, petierunt mercedem non paruam quidem operis & laboris sui, nihil tamen certi, sed quod esset OPTIMUM homini. Quid num ægrè obtinuerunt? minimè; sed quid obtinuerunt? aurumné? facultatesné? an honores? an famam? Non hæc. Quid tandem? Vinculorum animæ à corpore, post eius diei tertium diem, vt operi supremam manum imposuissent, solutionem. O singulare de rebus bonis non hominis, sed Apollinis iudicium! Itaq; non miror Ferdinandum Nunnesium monumento suo inscribi mandauisse: OPTIMUM VITÆ MORS: at quin atrocem querelam Statij Iudicem, nequaquam possum apud me impetrare:

*Quid probitas (ita ille) aut casta fides? quid numina profunt  
Culta Deum? furue miserum circum vndiq; lethi  
Vallauere plagæ: tenuantur dura sororum  
Litia, & exacti, superest pars vltima fili.*

Mortem quereris o ingeniose Vir? at fortunatissimus qui sine molestia, contemplatus res illas venerandas, mox rursus abiit, vnde venerat. Mortem quereris? audi facundiæ parentem; intelliges, nihil mali esse in morte: ausculta Diuinum Platonem, nonné hæc ille? *Moreris? transis non in mortem, sed in immortalitatem: non amissionem bonorum, sed in sinceriolem eorum perceptionem. Illuc enim ex hoc carcere solutus proficisceris, vbi requieta lataq;*



*omnia, & nulla fatifcentia, senectâ.* Scilicet obuerfabantur hæc, & alia innumera, Mæcenati nostro, pietatis argumenta: his ille, & ad præsentium contemptum, & ad futurorum amorem, excitabatur, atq; inflammabatur: illorum non immemor, & religionem sincerè colebat, & proximorum egestati liberalissimè succurrebat: & Fanis Locisq; sacris exornandis mirificè studebat. Quis enim sacella erecta, altaria exstructa, Ecclesias reparatas, & annuis censibus dotatas, vel complecteretur orando, vel percenseret numerando? Et contendant multi piè vitâ functum, hunc tam generosum spiritum, è natalium splendore hausisse: non nego. Facit fidem insigne familiæ, quo effusam liberalitatem colligimus: confirmant Illustrium Maiorum suorum, varia documenta, quibus & Patriæ, & Ecclesiæ, & literis comparatum decus legimus. Cedunt nempe insigni suo fontes ad Numitium famâ celeberrimi: defert illis primas Callirhoe Atheniensium: Scaturigines in Delij Apollinis templo commendatæ, cum Mæcenatis nostri fluminibus, in laudis ac celebritatis contentionem, ob incredibilia humano generi præstita beneficia, venire non audent. At vtinam ipsius mentem nostris sensibus perciperemus! Vtinam metam & scopum ad quem collineabat in animo legeremus! hoc, hoc, dico constanter, animaduverteremus.

*Magna profecto vis magnumq; monumentum positum est, ad  
bonum*



bonum consequendum vitæ finem, nouissimorum meminisse: hæc est vna via, & laudis, & dignitatis, & virtutis, & honoris, omnia quæ cælitus homini concessa, pios in vsus, in leuamen oppressorum, in subsidium egenorum, in salutem proximi, erogauisse. Hæ sunt opes, quæ nec furem, nec prædonem timent, nec incendijs, ruinis, naufragijs obnoxie sunt, nec ullis deniq; casibus eripi possunt. Hi thesauri quibus in arduis expediti, in certamine faciles, securi in cancellis, felices in portu, consistimus: quamobrem nulla dies vacua sit (ita ille secum argumentabatur) qua his Ducem in aduersis, propugnatorem in periculosis, aduocatum apud communem omnium ludicem, verbo omnia, amicum Dei in cælis terrisq; negligam comparare. O amorem cœlestium rerum Perillustres nostri Mæcenatis eximium! quo inflammatus non secus vt Heliotropium solem; vbi primùm ab incunabulis ortus sui, conspexit, totum per vitæ currentis diem, ita eas profecutus est ad occasum, vt eò iam, non flores modò nobilium suarum virtutum retulerit; sed ipse Diuinæ Passionis suffragantibus meritis, translatus sit: atq; vt integritatis nitore, constantia in fide, certitudine in spe, feruore in DEI proximiq; charitate, inter alios Perillustres Viros insignis vixerit, ita nunc (vt piè credimus) Lauream illam, nullis linguis satis explicandam, nullo verborum apparatu, vel sententiarum grauitate satis debite pro dignitate exornandam, Principis rerum omnium DEI, remuneratoris bonorum operum, Iustissimi, Optimi, Maximi, consecutus sit. Vsq; adeò vt non



incommodè illis Poëtæ delectetur verbis:

*Et mihi fortunæ larga indulgentia suavit,*

*Numine adorato, vitæ abitum petere,*

*Ne fortunatæ spatium violabile vitæ,*

*Fati admorsu, stringeret vlla dies*

*Obtinui: auditæq; preces, spem, vota, timorem,*

*Sopitus placido sine relinquo, alijs*

*Inter merentes; sed non ego mæstus, amicos*

*Depositis iacui funeris arbitrijs.*

Itaq; inexplebilis Lachesis, inanes tui conatus, irritæ insidiæ, quas tam pio, tam religionis Christianæ studio, tantis monumentis virtutum claro, & æternum memorando Viro struxisti: quem dum infirmitate tentaueris, robustum spiritu effecisti: dum sollicitum doloris acerbitate fieri curaueris, ingentem bonæ mentis & amœnissimi gaudij cumulum, in eius pectusculo excitasti: dum peremptum iri posse putaueris, in maximam spem vitæ erexisti: paucis, dum illi violentas manus inieceris, eum è naufragio periculorum, tunc eripuisti: in portu, quem omnes fideles, hoc spatiosum mare nauigantes, anhelamus, statuisti: & auitæ libertati, benè tutæ securitati, quibusuis internodijs illecebrarum, aut fallaciarum labyrinthis experti felicitati, reddidisti. Hanc illi nos fortunam, iugem, ipsius meritum, recolentes memoriam, cum animi beneuolentia comprecemur: si verò adhuc humanæ fragili-



fragilitatis ponit rationes, optatissimi voti, & certissimæ in misericordia Diuina spei, vt vel hoc ipso momento compos fiat, humillimè ac deuotissimè tremendam D E I Maiestatem deprecemur: illud frequentissimè ingem-nantes:


Requiem æternam dona ei D O M I N E,  
& lux perpetua luceat ei.





O R A T I O  
 flagrantis poenitentiae, operantis voti, & cor-  
 tis in misericordia Divina spei, ut vel hoc ipso  
 momento compos fiat, humiliter ac devotissime  
 me commendans D. H. Mactatam deprecatur  
 me: illud frequenter inagratum  
 habet.

Reducunt etiam domi di D. O. I. N. R.  
 & lux potestatem.



14. 1. 14.



